

I. N. SS. T.
DISPUTATIO INAUGURALIS MEDICA
De,

EPILEPSIA HYSTERICA,

Quam,
Consilio & autoritate Gratosissimi COLLEGII Medicorum
In florentissima ad Salam Academia,

P R E S I D E

Viro Nobilissimo & Excellentissimo,
DN. GEORGIO WOLFFGANGO
WEDELIO,

MED. DOCT. CELEBERRIMO, THEORETIC. P.P. MERITISSIMO, MED. DUCALI SAXONICO GRAVISSIMO,

Dn. Patrono ac Promotore submissè de-venerando,

PRO LICENTIA

SUMMOS IN ARTE MEDICA HONORES, INSIGNIA AC PRIVILEGIA DOCTORALIA LEGITIME CONSEQUENDI,

publicæ censuræ exponit

NICOLAUS LEONHARDUS HEDENUS,
ARNSTETO-THURINGUS, Medicus Provincialis
Schwarzburgicus.

add. Octobr. horis ante & pomeridianis

In Auditorio Majori.

ANNO M. DC. LXXVI.

JENÆ, Typis NISIANIS.

ILLVSTRISSIMIS, GENEROSISSIMIS
COMITIBVS & DOMINIS,

DN. LUDOVICO GUNTHERO,
DN. CHRISTIANO WILHELMO,
DN. ANTHONIO GUNTHERO,
SACRI ROMANI IMPERII

QUATUOR VIRIS,
COMITIBUS A SCHVVARTZBURG
& HONSTEIN,

D O M I N I S

ARNSTETI, SONDERSHUSÆ,
LEUTENBERGÆ, LOHRÆ

&

CLETTENBERGÆ &c.

D O M I N I S

suis clementissimis,

ex devotissimâ humilitate & subjectissimâ
animi reverentiâ

Hanc Dissertationem Medicam Inauguralem
offert & consecrat

Nicolaus Leonhardus Hedenus.



Proæmium.



Artificioſam corporis noſtri ſtructuram ſi perpendimus, certè, non utilis minus, quàm admirabilis illa eſt contemplatio.

Sacrarium ſi accedimus gratioſæ conſecratum Veneri, uterum puto, cogitandum de illo, quod de Diogene dicitur, qui, cum in tuguriolo fumario, ad evitandam frigoris inclementiam, non nihil commoraretur, prætereuntes, quos loci vilitas ab ingreſſu abſterrebat, his ad aditum invitabat verbis: *Introite, nam & hic Dii ſunt.*

Locus etſi valdè obſtruſus, & inter reliquas corporis partes ultimum ſibi vendicet locum, minimè tamen ob hanc rem ſuperioribus poſtponendus, utpote ob operis gravitatem utiliſſimus; eſt enim tum ad conſervandam individui ſalutem, tum ſpeciei, quâ mortalitas noſtra in perpetuitatem quandam æternitatis illius æmulam vindicatur, propagationem conditus.

Conſtat, formoſiſſimum ibi, perfectiſſimumque totius naturæ efformari; ex loco illo abſtruſo & impuro, puriſſimum illud, in quo & divina imago viſitur, produci-
tur, homo ſcilicet omnium mirabilium maximè ſacrum & mirandum.

Hæc una pars omnium optima & nobiliſſima, ſi tam divinum hominis conditorium; hæc ipſa tamen omnium

quoque pessima est, si lernam malorum & morborum in-
numerorum pronum condum respicias.

Ex illis gravissimum pro DISPUTATIONE INAUGURA-
LI propono affectum, Epilepsiam nempe hystericam,
Deum Optimum Maximum obnixè rogans, ut nobis Divi-
nà sua gratia adsit, quò omnia in ejus sanctissimi nominis
gloriam, hominumque salutem vergant.

CAPUT I.

Nominalem proponit analysis.

O Misso prolixiori verborum apparatu, paucis erit eno-
danda nominalis definitio.

Cùm autem affectus noster diversis constet vocabulis,
singula paucis considerari merebuntur; Epilepsia quidem
ἀπὸ τῆς ἐπιλαμβάνεως, quòd unà, seu simul cùm sensus oppri-
mat, seu ut loquitur *Heurn. in aphor. VII. l. V. Hippocr.* subi-
tò sensuum omnium afflictione prehendat hominem; tum
quoque universas corporis partes. Vid. hanc in rem *Sen-
nert. l. i. prax. c. 31. p. 2.*

Ἰερὴ νόσος & dicitur, vel respectu habito ad partem, quam
invadit, nobiliorem, mentem scilicet, vel ad magnitudinem
morbi, quod enim nobis magnum est, veteribus sacrum di-
cebatur.

Herculeus passim dictus legitur, seu quòd Hercules pas-
sus sit hunc morbum, seu potius ob vehementiam morbi,
quia ut plurimum est *δυσίατ* &, seu ob remedium Herculeum,
quali ut profligatur opus est.

Mittimus alia, quibus aliàs inscribitur, nomina, quæ sive
epilepsiæ respiciamus notionem, sive hystericæ affectus, præ
omnibus aliis huic obtigere quamplurima.

Hysterica à loco affecto dicitur, *ἀπὸ τῆς ὑστέρας*, *utero*,
hinc *ὑστέριον*, quod ad uterum spectat, ab *ὑστέρον postremo*, quia
uterus

uterus postremum, seu ultimum inter reliqua viscera occupat locum, hinc ὕστατα, secundinæ, quia postremò post partum egrediuntur.

Passio sive *suffocatio* quibusdam audit *uterina*, quia ratione symptomatum aliqualem inter se obtinent convenientiam, de qua in differentiis.

Licet verò nomen Epilepsiæ latius paulò pateat, ita ut in genere quamcunque convulsionem notet, sive cerebrum sit primariò, sive secundariò affectum, morbus sive sit infantum, sive adultiorum, hæreditarius, sive acquisitus, addito tamen epitheto, ad partem restringitur affectam. Hinc adeò epilepsia hysterica strictius hîc nobis accipitur à loco, qui est uterus, à quo mediante vapore aut spiritu maligno, aliis corporis partibus postmodum insinuato, talis produci-
tur morbus, atque hinc modò totam corporis machinam, modò partes ejus, miseris distorquens modis, invadit, & id propter longè graviora conjuncta habet symptomata, quàm vel sibi relicta, vel ab aliis causis producta, epilepsia.

CAPUT II.

Definitionem exponit realem.

PRæmissis præmittendis definitionem aggredimur ipsam, quæ talis esse potest: *Epilepsia hysterica est sensibilis functionum principum læsio, cum motu convulsivo, modò totius, modò partis saltem, ab insigni irritatione nervosi generis, ab utero oriundâ, dependens.*

Concinnè quod aliàs à Comico dicitur: *quot homines, tot sententiae*, hâc vice verum deprehendimus; in formali enim hujus affectus ratione constituendâ, Autorum dissensus ubique obviam est, cùm magna in eo sit symptomatum varietas, & nunc plura, nunc pauciora, per unum enim symptoma vix definiri potest.

GENERIS locum nobis subit sensibilis functionum

principum læsio, principaliter quidem animalium, adæquate vitalium. Animales aliæ sunt *αισθητικαί* sensitivæ, aliæ *κινητικαί*, motrices, aliæ *ηγεμονικαί* principes; singulæ hîc patiuntur. Experienciâ enim constat, sensus tam externos, quàm internos collabascere, ita ut neque pes, neque mens suis fungi valeat officiis, nec nisi vitiosè, & inordinatè moveri membra invita, reliquaque cessare non minus aut turbari animæ munia.

Neque verò hîc attinet, ut prolixè disputemus, utrum sensationis abolitioni, an convulsivo motui primas in assignandâ formali ratione adsignemus. Certum enim est & stabile, animales facultates omnes, ut jam dictum, tum motivas, tum sensitivas & principes labefactatas; in aliis magis has, in aliis illas, siquidem imperfecta fuerit passio, læsas deprehendi: neutrum sine altero absolvere affectus formam; potior tamen penes naturam esse rationem sensuum, eorumque diribitoris, quàm motus, qui non continuus adest, ut aliarum facultatum læsio, sed per intervalla recurrit, atque interpolatur, ideòque meritò ad id, quod magis læditur, respiciendum. Notandum tamen, dum in animali territorio tantæ clades impetunt, in nostro affectu inprimis non tantum in nervis, ut in idiopathicâ, vitium latitare, verùm etiam vitalem provinciam, & sanguinis undas ejusque canales non immunes hîc abire.

Quænam autem functiones prius afficiantur, non ita dictu facile est, an omnes simul, an verò successivè lædantur.

Principes facultates in cerebro sedibus distingui, quidam statuunt, & ex horum hypothesei cuilibet operationi suus assignatur locus, si hoc, res non adeò intricata fuerit; alii aliter sentiunt. Verùm priorum opinio jamdudum est explosa, nos probatorum Autorum vestigiis insistere, satius esse putamus, dicendo, omnes simul ad sensum perire functiones, ab unâ eademque origine oriundas, uno enim ictu ægrotantes præcipitantur. Neque obstat modò has, modò illas primariò vel secundariò affici, prout vel ad cor, vel ad
cere-

cerebrum *μείζοντος* maligni fit accessio ; sic vitalis facultas prius sæpè opprimitur , quàm animalis , hæc enim illius mutuatitiâ radiat luce , utræque verò amicè conspirant, unde unâ affectâ, alteram pati quoque necessum est.

CAPUT III.

Subjectum explicat.

IN assignando Subjecto affectus nostri præsupponenda sunt, quæ de afficiendi modis in scholis medicis recepta sunt, distinguendo nimirum v. g. inter *affectum essentialem*, seu idiopathicum, & *per consensum*, seu sympathicum. 2. Inter *locum & focum*, ex quo ceu fonte principali propullulat malum. 3. Inter subjectum *causæ & symptomatis*.

Cum enim dicimus epilepsiam hystericam, duo indigitamus, ipsum affectum, ejusque modum, ac sedem.

SUBJECTUM SYMPTOMATIS est cerebrum quoad membranam potissimum tenuem, & totum adeò consequenter nervosum genus. Hoc, ut verba Pathologiæ scriptorum curatiorum nostra faciamus, ab & cum alio membro, utero nempe h. l. afficitur, ita quidem ut ab indispositione omni liberum non sit, foveatur tamen morbus alibi, indeque ad illud deducatur causa.

Affici verò cerebrum in epilepsiâ extra controversiam est, idque manifestant convulsivi motus, actionumque animalium læsiones, quarum imperio præfectum est. Imò eoque hinc procedunt quidam, ut à cerebro & nervoso genere potissimum dependere passiones hystericas asserant, ob motum convulsivum, qui præsens est, cum non minus ac alii motus convulsivi à spirituum animalium explosionibus producantur.

SUBJECTUM CAUSÆ ac PRINCIPALE est UTERUS, fovens secum & procudens vitiosum inquinamentum, ut ceu è scatebrâ hinc cœli microcosmici tectum feriat. Uterus, *inquit*

inquit Harveius Exerc. de part. p. 173. est pars principalis, quæ totum corpus facile in consensum trahit; nemini sanè, *pergit*, ignotum est, quàm prava symptomata uteri ascensus, descensus, perversio & convulsio concitent, quàm stupendas animi aberrationes, deliria, melancholias & furores, tanquam incantamento fascinati, affectus uteri p. n. incutiant; quot etiam morbos ægrè curabiles, menstruorum depravatum profluvium, aut Veneris usus diu nimis intermissus, valdeque desideratus inducant. Cum ergò æterno fœdere gaudeant cerebrum & uterus, ipsumque adeo cor, non mirum est, præter alia plurima epilepsiam quoque inde arcessere suam originem, si materia vitiosa, consensus interpret, nervis inimica sit, si cerebri constitutio debilis & *εὐαίδητος*, aliaque conspirent, de quibus inferius.

Neque obstat, unde unde ad uterum sentina talis confluerit, siue propriâ dispositione vitiosâ ibi generata, siue viscerum aliorum quoq; consensione patiatur; sufficit ipsum respectu cerebri primò affectum, licet ex sympathicâ passionis successu temporis essentialis evadere quoque possit.

CAP. IV.

Causas examinat immediatam & mediatas proximiores.

AD designandam immediatam causam, cognito jam subiecto, progressio erit facilis. Cum enim cieatur ad motum vitiosum, & quidem versus originem factâ reciprocatione, nervosum genus, esse aliquid oportet, quod ipsum cerebrum quoad sensibiles quam maximè illius membranas, quod nervos vel consecutione illâ, vel in particulari peregrinâ irritet ac vellicet offensâ, ut non tam instar funiculorum membra trahant, quàm ad musculos, in quos implantati sunt, id ipsum irritamenti genus deferant. Et uti portitores

portitores animæ sunt spiritus animales, necessario horum turbatio & motus vitiosus simul adest. Neque tamen illi soli in abstracto quasi accusari queunt, quod vel rarefactione vel explosione vitiosâ eclipsin hanc causentur, sed esse aliquid quod spiritus animales afficiat atque irriter, unâ cum nervis, seu nervos his imbutos, vel horum præsidem, cerebrum potius necesse est.

Missis itaque aliorum assertis, IMMEDIATAM CAUSAM epilepsiæ hystericæ statuimus *irritationem* insignem nervosi generis, principaliter in utero, quem nervosum, membranosum, vasorumque plurimorum receptaculum ac quasi terminum esse constat, adæquatè in cerebro, utrobique, insurgente naturâ ad expulsionem ejus quod negotium facessit. Positâ hinc insigni irritatione dictarum partium motus convulsivi adsunt.

Quodnam verò sit illud ipsum, quod irritationem hanc nervosi generis exerceat, porrò quæriti adsignamus pro MEDIATA PROXIMIORI CAUSA *vapores & humores*. Testantur *Φαινόμενα* plurima subtilem esse admodum hanc materiam, unde cum *D.D. Præs. part. 2. sect. 5. n. 11. Theorem. medicor. ab acri, bilioso vel acido magis volatili* illam arcessimus.

Si itaque humores talismodi & vapores peccent *quantitate* & accumulati restagnent in utero, vel illuc missi; si *qualitate* vitiosâ dictâ imbuantur, vel inquinati sint; maxime verò si *motu* peccent *generationis & locali*, facile oritur epilepsia hystericæ.

Generantur autem iidem vel in ipso utero, congesto illic, corrupto, atque ichorescente sanguine, sero, semine; vel in visceribus hæcce respectivè elaborantibus depurantibusq;. Uti enim hystericæ pleræque simul sunt hypochondriacæ, ita hepatis, lienis, mesenterii, pancreatis concurrente vitio, longè præsentius dira hæc erynnis tyrannidem suam exercet. Hinc ex frequenti *D.D. Præsidis* experientiâ bilis volatilior, & acrior congesta, si ab utero accedit, præsertim stimulus, vasis confusa toto die epilepticas efficit; hinc eâdem cum acido remixtâ id ipsum quoque prom

B

ptè

ptè contingit, unde atrabilarii faciliè fiunt epileptici.

Membrum mandans ergò est principaliter uterus, remotius viscera infimæ culinæ alia; Uterus procudit epilepsiam omni morborum genere intimius affectus, intemperie, materiali, inæquali, obstructionibus, unitate solutâ, ut mox pluribus dicemus, prætereà ipse quasi sentina est totius corporis, in quo quidquid vitiosi continetur, huc redundat, sive per συναθροισµὸν & ῥαδίον in eo colligantur *µιάσµατα*, sive per *ῥευµατισµὸν* ad illum confluant, factâ hinc cum regiâ animæ arce communione.

Membrum recipiens est genus nervosum, tum in parte, nam & uterum convelli posse ipsum certum est, tum in primis in origine, seu cerebro, ubi eminenter illud & viget & producit. Fit verò epilepsia hysterica non quidem in omnibus, quibus uterus impuris ejusmodi inquinamentis scatet, nam & alia producuntur alibi inde symptomata, at tamen in iis potissimum, quibus recipientis hujus obtigit infirmitas, quibus cerebrum & nervosum genus est debile, magis *ὑπόθετον* & dispositum; sive hæc debilitas sit nativa, hæreditaria, connata, vel acquisita & subsequa.

Sanguinem accusavimus; notum enim est, quòd is in fœminis non ad individui solùm necessitatem, seu corporis nutritionem, sed & speciei propagandæ usum & fœtui alendo aptus natus sit; natura ab hoc otiosa opere, superfluum ad uterum amandat, ut per illum evacuetur. Licet verò virgines & mulieres, si singulis mensibus repurgentur, minus epilepsiæ esse obnoxias, afferat *Zecch. consult. 9* attamen exitus hic si denegetur ob obstructionem viarum, ipsiusve maximè sanguinis indispositionem quamcunque, nimiam copiam in vasis redundat sanguis, illaque nimium distendit, ad cor regurgitat, à debitâ crasi recedit, & faciliè epilepsiam hystericam generat.

Neque tamen absolutè mensium fluxus constans sexum sequiorem ab hoc reatu liberat, quin ex observatione *D.D. Pres.* & nostrâ multæ etiam affectu nostro tentantur, quæ lunare tributum exquisitè fundunt.

Evacuationem hanc solennem cohibitam epilepsiam dedisse, exemplum refert *Hildan. c. 3. observ. 61.*

Serum itidem, quo magis pollent fœminæ, ut salium, sylvestrium acrium vehiculum constituit, ita particulis biliosis, in coagulum abeuntibus, acidis, ponticis saturatum, insignem contrahit maculam, quam nervis affricare satagit. Imò humores hi ratione qualitatis, aliàs benigni & laudabiles, extra elementum suum in uteri cavitate, aut vasis ejus subsistentes, degenerant & naturam planè peregrinam ac hostilem induunt, grumescunt, putrescunt, unde postmodum corruptione hâc maligni vapores enati, & vitali purpuræ nupti varia alia inferunt symptomata, & inter hæc ad cælum microcosmicum elevati præcipuè nostrum affectum.

Seminale virus in ovario contentum, ac intempestivè cohibitum, non minus quàm sæpissime epilepsiam hystericam ciere, experientia testis est exceptione major. Copiâ & qualitate peccans ὀργασμὸν contrahit, stimulat, imò sæpe putridum concipit ichorem, qui in massam sanguineam diditus & hoc malum & sexcenta alia producit. Hujus rei exemplum adducit *Zacutus Lusitanus l. 2. prax. admir. observ. 93.* virginis maturæ, quæ ab hâc causâ præter alia symptomata sat gravia, animi deliquium & epilepsiam horribilem passa est, solo tandem conjugio restitutæ. Geminum huic aliud observavit *B. Rolincius Ord. & Meth. comment. l. 14. f. 3. c. 7. p. 1019.*

Via, per quas talismodi vapores & humores partim ad cor, partim ad caput, vel ad alias evehuntur partes, sunt, tum nervi, tum arteriæ & venæ.

Nervi id præstant δι' ὁμοειδίαν, ob generis similitudinem & communionem, idque potissimum mediantibus spiritibus. Neque obstat vel cavos eos non esse, vel spiritus animales non æquè ut vitales circulari, de quo tamen vid. *B. Schenck. Colleg. problem. probl. 105.* est enim inter eos & cerebrum perpetua reciprocatio; ut inter solem & radios, unde hac via facillimè coafficitur nervorum & spirituum metropolis.

Inventâ verò circulatione sanguinis res cum arteriis & venis non minus salva est. Minera enim epileptica vitiosa communicatur cum cerebro, quando sanguis arteriosus ex minutis arteriis, in sangui ductuum cerebri apices & latera reditu circulari com meat : cerebrum enim, prout sanguis magis vel minus impuritibus scatet, repletur vaporibus, si ductus vel apices horum meatuum, qui in itu patefcunt, in reditu clauduntur, ita, ut postmodum neque sanguini, neque vaporibus liber refluxus pateat, perturbantur spiritus, his in ἀταξίαv adaētis, & vellicatis nervis convulsio epileptica accidit.

Positis hisce patet quoque, cur modò hæc, modò illa, pars, modò totum corripiatur corpus, & modò cor suos patiatur manes, modò cerebrum, siquidem quæ epilepsia hysterica laborant, sæpe loco convulsivorum motuum syncope patiuntur, vel animi deliquium. Hæc quidem vario modo contingunt, prout materia morbifica major vel minor, prout item copulam explosivam à capite descendentem, velut pulveris pyrii acervos, modò in hac, modò in illa parte plus aut minus congeri accidit. Sic quandoque contingit, dispositionem spasmodicam non ita longe lateque protensam esse, ita ut præter nervos paris vagi & intercostales, ubi convulsiones modò in imo ventre, modò in hypochondriis sentiuntur, nulli plectantur : interdum verò cerebrum cum reliquis paribus infestatur, ubi convulsiones hinc & inde persentiuntur, & magis symptomata sunt effera.

CAPUT V.

agit de Causis mediatis remotioribus.

CAUSÆ mediatae remotiores sunt variæ, naturales utpote, non naturales, & præter naturales.

Ex NATURALIBUS his TEMPERAMENTUM calidum, sanguinem attenuat & fundit, & ad falsedinem ac redinemque dispo-

disponit; siccum excludi nequit, absente enim humiditate, quæ aliàs quasi frenum caloris, facile à prædominante calore humores aduruntur, sicque majorem lancinandi ac pruriendi vim acquirunt; frigidum, ubi sanguis nimis crassus & viscidus, & ita ad putredinem aptus natus, vel denique quodcunque excedens momentum mali afferre sufficit.

SEXUI verò fœminino uti epilepsia hæc propria est, ita quoad ÆTATEM, puberibus, juvenculis, viro maturis, nubilibus, viduis magis accidit, quin nec edentulæ excipiuntur, quale exemplum nobis constat vetulæ sexagenariæ, miserrimè hoc vexatæ malo, periodis sæpius recurrentibus.

Nec conjugio æquè absolvuntur, unde observavit *Fernelius*, non paucas mulieres, quoties uterum gestarunt, crebrò epilepsiâ corruentes, expeditas verò nunquam, *l. 5. pathol. c. 3. p. 523.*

Inter RES non NATURALES AER plurimum confert, in illo potissimum statu, quo vel instabili tempestatis alteratione, qualis est austrinus, vel excessu qualitatum primarum & secundarum humorum & spirituum motum turbat, effluvia & recrementa fuliginosa cohibet, turgescentiam efficit, ad putredinem disponit.

Hinc epilepsia hysterica vere potissimum, autumno, & hyeme, præsertim in adultis ferocior esse consuevit, æstate, verò, respectivè fere mitior.

Inprimis verò aer quoque quam maximè disponit ad hunc affectum, si influxibus astrorum infauſtis humoribus ideam epilepticam imprimat, ut in genere notum est, à ☿ & ♀ statu tum ad se invicem, tum ad maleficos ♄ & ♂, id, si quid aliud ex astrologiæ effatis colligi. In specie observata est epilepsia hysterica gravissima à D. D. *Præside*, ubi ☿ in Domo xij. ♂ opposeretur, ex v, cum duplici ☿, ♂, ☿, cum ☿ ♄ ♀, par ratio est aspectuum similium.

Referri huc merentur etiam suaveolentia, quod rarefactionem & motum spirituum promoveant, & sopitum hospitem accersant, licet id non æque sit perpetuum & universale.

VICTUS, ratione substantiæ, quantitatis, qualitatis & utendi modi fit causa morbi.

Sic cibi *δύσπεπτοι καὶ κακόχυμοι* chylicationem lædunt, quæ vix in secundâ & tertiâ concoctione corrigibilis, humores vitiosos coacervat, sicque variè malo huic fores aperit.

Sic si vel in excessu vel defectu committatur error, id ipsum quoque multum confert. Illud juxta 2. *aphor.* si, periculofum, inde enim cruditates, acores, & sordes in primis viis & vasis, obstructions & alia mala oriuntur; hoc noxium eventum, quatenus exagitantur humores, utiles consumuntur, sanguis à diuturnâ coctione aduritur & bilefcit.

Sic acida, dulcia, lacticinia fœminis, uteri affectibus & inprimis epilepsiæ obnoxiiis inimicissima, falsa item nimis & aromatisata, singula pro suo modulo plurimum conferunt ad mali productionem.

Inprimis verò ex dictis multum nocent ea, quæ bilem & biliosam acrimoniam acervant, eandem volatilifant, & hinc nervos noxia sua qualitate feriunt. Hinc & potus nimius & frigidus accusandi veniunt, inprimis vini, quale exemplum refert *Thonner. l. 3. observ. 1.* de virgine, quæ ex vini cydoniati potu largiore in epilepsiam hystericam fuit præcipitata.

SOMNUS & VIGILIÆ si ritè instituantur, vires prostratæ refocillantur, sin minus, dissolvuntur, coctio turbatur, cruditates cumulantur, cerebrum totumque corpus exsiccat.

Morus intempestivus, uti in cacochymicis mirè turbat humores, ita inprimis epilepsiæ hystericæ excitandæ sufficit, augendo usum, & unâ actuando sopitos igniculos; uti è contrario vita sedentaria coacervat excrementa, torpidumque reddit sanguinem, ne vigore suo flamma vitalis perftet.

EXCRETORUM & RETENTORUM quoque insignis efficacia est; evacuationes enim consuetæ si supprimantur, inprimis menstruæ, & seminis, vel quæcunque aliæ, si diu-

diutius, quam par est, in vasis circa uterum commorentur, fieri non potest, quin labem ex mora contracta contrahant aliquam, quam in superiorem sphaeram evibrent. Sic alvus obstructa, sudores suppressi, urina restitans huc referenda. Simili modo utiles si nimium evacuantur humores, spiritus depauperantur, vires exhauriuntur, corpus debilitatur undique, uti hoc videre licet in vulnerationibus vel quacunque hæmorrhagia larga; spiritu enim vitali plurimum evaporato, cruoris massa quasi vappescere incipit, totaque massa sangvineâ alienam induit vestem.

ANIMI PATHEMATATA non minimam in hac progeneranda afflictione vim obtinent, cum & illa suum habeant dominium in humores & spiritus, quippe observare licet, hunc affectum à subito terrore, ingenti tristitiâ, invidiâ aut indignatione, aliave animi passione paulò excessivâ, in quâ spiritus cerebri hospites potissimum afficiuntur, crebrò exortum ducere; fœminæ enim à subito terrore aut ingenti tristitia maximas spirituum inordinationes subeunt, ob constitutionem animale[m] longè debiliorem, ob cerebrum & nervos molliores, & alia.

CAUSÆ PRÆTERNATURALES quæcunque uterum ita disponere possunt, ut is suo officio minus secundum naturam fungi valeat, idemque adeò irritetur, convellatur & epilepsiam à se dictam fabricet. Sic memorata jam mensum obstructio, fons infinitorum & hujus mali; sic partus difficilis & cum majori nixu aut importunâ tractatione factus, vellicationem nervorum inducit frequenter, qualia, tristia exempla sæpius vidit *Dn. D. Praeses*, ubi vel statim à partu epilepsiâ eneclæ sunt puerperæ, imò quandam novit, cui quasi fragor quidam in capite auditus est, subsequente brevi morte; sic abortus ipse non rarò motuum convulsivorum tum particularium ipsius uteri, quos manu tetigit idem, tum universalium toti corporis autor est. Sic lochia retenta purpuram & epilepsiam parturiunt. Sic sectio cæsarea epilepticas minatur convulsiones, quicquid etiam gloriëtur pro securitate Ruffetus. Vid. *B. Rolfini. dissert. anat. l. 1. c. 13. p. 182.* Sic vitiosa

vitiosa uteri dispositio, tumores, aut ulcera, aut humorum acrium congestiones, vel in ipso utero vel partibus membranosis circa illum, ob solutionem postea continui in spasmos dolorificos præcipitant. Refert etiam *Harveus* ab injectione uterina acriori convulsiones mirandas excitatas fuisse. Omittimus in assertorum veritatem specialia exempla plura recensere, quippe quæ & hinc inde adnotata leguntur à practicis, & toto visuntur die.

CAPUT VI.

enumerat differentias.

DIFFERENTIÆ ex hætenus dictis petuntur I. à genere, ratione vehementiæ, 1. alia est *perfecta*, & *magna*, alia *imperfecta*, & *mitior*; hæc enim symptomata habet remissa & quæ cito solvuntur, & frequentior est, illa verò contrario modo se habet, licet rarius paulo contingat, & non nisi morbo hoc in statum pessimum evecto. 2. Quædam *recens* est, alia *inveterata*. 3. Alia est *periodica*, quæ certo tempore hominem invadit; ubi imprimis memorandum est, ingruere & hanc magis, vel instante mensium fluxu, vel quadris & variantibus, maximè verò circa novilunii vel plenilunii punctum, mirando profecto macrocosmi cum microcosmo consensu; alia *inordinata*, quæ periodos non servat.

II. A *Subiecto*. Alia est *universalis*, ubi spasmi universales; alia *particularis*, cum in hac vel alterâ parte percipitur passio; alia *simplex*, alia *implicata*.

III. A *Causa*. Alia est ab *intemperie uteri calidâ*, ubi feminae in venerem pronæ sunt, menstrua corrumpuntur, & aduruntur quasi, hinc difficilis menstruorum fluxus, dolori capitis sunt obnoxia.

Alia ab *intemperie uteri frigidâ*, ubi humores ad putredinem sunt proclives. Alia à *semine retento & corrupto*. Alia à *suppressione mensium*. Alia ab aliis excrementitiis humoribus, in utero detentis & corruptis; imò quot causæ fuerunt

ru nt recensitæ speciales, tot etiam differentia statui hîc pos-
sunt.

Differt verò ab aliis affectibus, nominatim à suffocatio-
ne uterinâ & syncope; utut enim interdum complicati vi-
deantur, vel se invicem excipiant, sequantur vel antece-
dant, attamen differentia facilis est, si symptomata ceu te-
stes singulorum consideremus, neque subitâ prehensione,
quæ hisce ut & apoplexiæ est communis, decipiamur; præ-
sertim cum suffocatio uterina ferè gradu saltem differre vi-
deatur, mulier enim epileptica rarò recordatur eorum, quæ
illi acciderunt, non audit, non intelligit, habet ferè, præser-
tim cum epilepsia valentissima est, spumam in ore.

In syncope verò omnis motus perit, qui in hysteri-
cis convulsivus est, interdum quoque sensus aliquis remanet,
ut alia taceamus, de quibus jam sub signis dabitur dicendi
occafio.

CAPUT VII.

Signa diagnostica exhibet.

SIGNA DIAGNOSTICA ratione generis, tum imminentem, tum
præsentem epilepsiam hystericam patefaciunt. Utraque
hæc vel communia sunt, vel propria.

Imminentis signa sunt motus uteri & partiû abdominis con-
vulsivus, murmur & sonitus tensioq; ventris inferioris, dolor
hypocondrii dextri vel sinistri, lassitudo totius corporis,
dolor vehemens, inordinatus membrorum motus, præser-
tim linguæ, ita ut vix verba distinctè proferendi detur copia,
anxietas & tremor cordis, torpor actionum, tum animalium,
tum vitalium, deglutitio difficilis, respirationis & pectoris
constrictio, tristitia sine causâ manifestâ, pavor, & extre-
morum concussio, vertigo, rubor faciei, tumor lumbo-
rum, strepitus circa ventrem, aliaque.

Præsentis & quidem perfectæ signa sensibus occurrunt: cor-
ruente machinâ actiones tum animales, tum vitales abolen-
tur desubito, vox planè intercipitur, insultus epileptici seu

motus convulsivi extremorum, oculorum, corporis totius se manifestant, dentes violenter committuntur, strident, ut lingua sæpe admordeatur; in graviore casu spumam modo loturæ carnis similem, modo foetidam emittunt, ipsi omnium inscii.

Ad cor si fertur vapor, ejus actiones prostermit, spiritusque vitales lædit, spirituum scil. vitalium influxu, & caloris nativi ad extrema inhibito, imò spiritibus ad cor recurrentibus, totum corpus externè frigescit, pulsusque immittitur, & lipothymia cum syncope præforibus adstant.

Ubi verò idem vapor ad cerebrum ascendit, quod sæpe variat, spiritus animales, ut jam dictum, turbantur, eorumque influxus prohibetur, sensus & motus animalis læditur, unde etiam motus musculorum thoracis & diaphragmatis impeditur, respiratio redditur difficilis, imò sæpe quasi suffocantur, inflata & rubente facie, voce singultiente.

II. RATIONE SUBJECTI, locus specialis vaporem vel humorem mandans, probè est attendendus, ne error committatur in curatione, & remedia sola specifica v. g. antepileptica, neglecta uteri attentione abhibeantur, de quo in primis legi meretur *Brunnerus consil. 14. & 15. p. 86. seqq.*

Convulsio quidem adest corporis modò totius, modò partis saltem alicujus, quod ex dolore, tensione, motu, contractione, tumore aliisque pro diversitate membrorum patescit; at sola convulsio, ut in epilepsiâ simplici non adest, sed simul alia habet symptomata & circumstantias, antea allata. Exemplum cujusdam uxoris refert *River. Cent. 2. observ. 31.* per multos annos variis affectibus laborantis hysteris, adventantibus tandem insultibus epilepticis.

Hinc vel ex ipsius ægræ vel adstantium relatione percipi potest, utrum affectibus hysteris alio quoque tempore fuerit tentata, an alias ab ineunte ætate correpta epilepsiâ.

Patet igitur id tum ex antecedentibus, si præcedant id symptomata uterina, si eodem tempore, quo menses primum incipiunt fluere, vel postmodum fluunt, incipiat vel comitetur malum; parratio est aliorum uteri reatum,

vel

vel, quas edit, actionum prægressarum; tum consequentibus, paroxysmo enim exantlato capitis gravando minor vel nulla, nec facultatum animalium læsio sentitur; juvant hysterica, non item pura puta antepileptica &c. Adeoque si malè habeat uterus, facilis deprehensu est focus; neque tamen licet minus manifestò æquè id pateat, ut si a semine retento fiat &c. expers statim putandus & à culpâ absolvendus idem.

III. RATIONE CAUSÆ signa causarum variant pro diversitate humorum corruptorum; Epilepsia si fuerit orta à sanguine menstruo, diu nimis retento vel corrupto, sentitur lassitudo totius corporis, & gravitas insolita à copioso sanguine per universum corporis habitum recurrente, color faciei pallidus, respiratio difficilis, tumor pedum, cibi fastidium, dolor lumborum, pubis, aliaque adsunt.

Si à *materia seminali*, ostendit id ætas juvenilis, ceteri veneri magis sacra, conjugium sterile, viduatus citior, temperamentum calidius, abstinencia à re græa alias celebrata, ab aspectu rerum venerearum symptomatum exacerbatio, generosorum remediorum frustranea adhibitio.

Si à *sero acri vitioso*, præcesserunt vel adsunt fluor albus, menses dolorifici, pallentes, grumosi, immodici, ardor genitalium, & similia.

Abortus si præcesserit, vel partus, vel uterus alias non rite dispositus, ex ipso præsentī statu, relatione, vel propriis fontibus id colligere licet.

CAPUT VIII.

Signa prognostica recenset.

Sicuti in omni de futuris deliberatione, decet prudenter & circumspectè sese gerere quemvis, ita vel præcipue medicum, ne ignominia maculâ sese imbuat, suamque existimationem famæ discrimini exponat idem; hinc probe consideranda signa prognostica, secundum SALUTIS & MORTIS EVENTUM.

Et quidem ratione generis , quamvis sexui sequiori calamitosum , fœdum, periculosumque sit satis malum, attamen tam pertinax non est , ut epilepsia idiopathica , nisi sit inveterata, aut convulsio cum aliis gravioribus morbis complicata , quæ funestum pronunciat eventum, & è vita ægram omnino tollere valet.

Recens, transitoria , & quamdiu sympathica manet, mitior & curatu facilior habetur, quàm continuata, inveterata & longiore insultu & assuetudine quasi idiopathica facta, quia non ita firmiter circa nervorum principia malum hæret, neque cerebrum ita concutitur, & contrahitur, ac si ex hospite inquilinus sit factus affectus; sed aura illa vaga est, & in particulares sæpe solum detruditur nervos.

Periculosior illa, quæ à semine corrupto, quam quæ oritur à sanguine, reliquisque humoribus, cum semen corruptum pejorem induat naturam, quàm sanguis & reliqui humores.

Partes quò plures, eæque nobiliores in consensum trahuntur, eò malum exitiosius existit.

Ab utero vulnerato admodum periculosa, & ut plurimum lethalis. Quò diuturnior paroxysmus, eò morbus gravior.

Prægnantibus ob metum abortus, periculosus morbus est, argumento *5. aphor. 30.* parturientibus & nixu graviori delassatis, ubi sæpe prius quasi dormiens excitatur, ut plurimum lethalis, quando nempe tunc demum insuetæ irruit gravius, aliàs verò eadem afflicta non æquè facillè videntur partu interveniente vel corripì vel correpta mori; quin epilepsia gravidarum post partum evanescere solet. *Vid. Zaccut. Lusit. M.P.H. l. 1. hist. 32. p. 58.*

Quoad tempus eventus seu LONGITUDINIS & BREVITATIS prædictionem, principiis si obviam eatur prius, quàm radices altius egerit, extirpari potest.

Junioribus spes superest, si ortum traxerit à semine aut sanguine superfluo, & veneris amplexibus locus si sit relictus. Quibus item annis pubertatis contingit, mutationem recipit

recipit facilius, menstruorum eruptione &c. *s. aph. 7.* neq; tamen cum iis semper commoritur, quas post vicesimum quintum annum invadit. Quod si verò causa gravior subfit, & ipsum cerebrum mali labem omnem quasi ad se derivaverit, nec remedia generosa, mutatio vitæ, ætatis, & similia, juvent, sæpe etiam comitatur ad mortem, molestum vel diurnitate solâ, tum ægro, tum medico malum.

MODUS EVENTUS ad salutem fit, si operationes animales non exquisitè læduntur, vel labefactantur, sensus & motus si aliquo modo superstitēs manent, & paroxysmus non diu durat, tunc malum non calamitosum usque exclamandum, morbumque brevi abiturum, facta discussione & remotione causæ laceffentis, spes concipienda.

Pertinet huc sternutatio, quæ indifferens ferè est, interdum enim affectum præit & prænunciat, interdum finit; illud, ut signum, prodens cerebrum non sufficere displosioni irritantis auræ; hoc naturæ itidem conatum innuit, quæ reliquias hoc modo dispellit.

Ad mortem verò, si morbus in alium graviorem degenerat, inprimis per *ἐπιπύρεσιν*, ut melancholiam, maniam, status tunc periculosissimus.

Malum quò sæpius recurrit, & paroxysmi diutius justo durant, eo exitiosius est, viribus corporis toties debilitatis, ac calore & spiritibus à maligno vapore infestatis, unde tandem, calore nativo extincto, ægram perituram metus est.

CAPUT IX.

Methodum medendi secundum indicationes aggreditur.

ORDO jam tangit curationem annectendam, quæ absolvitur indicationibus; indicatio autem triplex se offert: Curatoria, præservatoria & vitalis.

CURATORIA affectum ipsum, ejusque causam continentem respicit, tempore paroxysmi maximè, quem quovis modo finire vel levare saltim satagit.

PRÆSERVATORIA extra paroxysmum locum habet, causam foventem, & characterem epilepticum averruncare studet, acrimoniæ vitiosæ humorum peccantium occurrit, fluentes ad caput revellit, derivat, evacuat, partis etiam mandantis & recipientis intemperiem curat restituendam; aura vel vapor si frigidus & crassus, vel maligna qualitate imbutus, attenuantibus, calefacientibus, discutientibus, & quæ proprietate peculiari his adversantur, subvenit.

VITALIS vires cum totius, tum partium tonum conservat quarumcunque, inprimis uteri & cerebri robur medicamentis uterinis ac antispasmodicis, & alimentis secundum sex res non naturales restituendum jubet, restitutum conservandum curat, idque selectu apparatus præsidiorum, ex triplici fonte usitato depromendo.

CAPUT X.

Quid in paroxysmo faciendum consulit.

IN PAROXYSMO ad talia, quæ symptomata mitigare, causamque dissipare & consequenter excitare facultatem possunt, fugiendum, ubi semper altero oculo cerebrum, altero uterus respiciendus. Externa summæ hîc sunt efficaciæ, interna non commodè applicari possunt, os enim constringitur quàm arctissimè, dentiumque attritio insolita id vix permittit, neque deglutitio commoda sit, præterquam in mitiori casu, ubi & interna commodè locum obtinent; adeoque pro vehementia affectus etiam hæc variant.

Præterea itaque, quæ faciendâ potissimum ab adstantibus sunt, detinendo corpus, & ne lædatur cavendo, adclamando nomen, & quæ alia vel excitare queunt sopitos & detentos sensus, (licet quandoque his supersedere consultum sit) vel præcavere graviora, monere etiam & consulere quædam operæ pretium est. Sic Palatum theriacâ cum ☩to rutaceo permista illinatur, vel ~ epilept. castorei, elix. vit. Matthiok.

thiol. &c. Non inutiliter etiam aquæ epilepticæ frigidæ faciei insperguntur.

Sic usu receptissima sunt *naribus* admovenda, imprimis graveolentia, & penetrantia, quorum scilicet effluvia poros cerebri aperiunt, spiritus nimis turbatos componunt ac in ordinem redigunt, qualia sunt asa fœtida, castoreum vel ejus essentia, galbanum, \odot *rutæ*, *succin.* *Spiritus & effluvia urinosa*, pennæ perdicum accensæ conveniunt, omnia tamen moderatè, ne vaporosa hæc ultra quam intendimus agant, & cerebrum repleant. Consideranda tamen ægrotarum *ἰδιόσυμψυχία*, quid ferre soleant vel possint, interdum enim graveolentia præ *ἐνός μοις* ipsis sunt molesta, præsertim in magnatibus.

Sternutatio licet in epilepsiâ rejiciatur à *Calio Aureliano* l. i. *tard. pass.* c. 4. p. 288. in hac tamen epilepsiæ specie præ reliquis quandoque locum habet, observatis circumstantiis; quia verò corpus nimium commovetur, cauto opus erit, ne plus nocumenti, quàm emolumenti exinde eveniat prægnantibus.

Nucha cum spinâ dorsi, benè unguentis, oleis & spiritibus nervinis est inungenda, addatur \odot *juniper.* *nardin.* *lumbr. terrestr.*

Venter inferior \odot *laur.* *de castor.* *rut.* *petrol.* *lin.* *nervin.* *spirituoso*, & C. C. & similibus illinatur. *Fomenta* sicca ex speciebus paregoricis & carminativis, additis uterinis in usum quoque commodè trahi queunt, simulque *ligaturæ* abdominis egregiam præstant utilitatem. Sunt, qui cucurbitulam ventri circa umbilicū affigendam suadent. Cucurbitulas ficas universo corpori applicavit *Rubeus exerc.* 38. p. 442.

Pudendis si graveolentia admoveri jubent autores; videndum autem num mulier gravida sit, ne abortus excitetur. Deinde etiam prius experiri licet, num si graveolentia perferre possit, etsi enim infra applicentur, nares tamen feriunt, quo casu consultius videtur ab illis abstinere, ne eveniat, quod refert *Thonner. l. 3. obs. 1.* de virgine quâdam, cui aqua odorifera fuit oblata, à quâ in lethalia incidit symptomata.

Plantas *pedum* sale ac \dagger to, addito succo *rutæ*, vel spiritu etiam nervino fricare convenit.

Quid

Quid de clysteribus sit sentiendum, & num in paroxysmo convenient, vid. *Forest. l. 3. p. 368.* non, inquit, nisi in paroxysmo acuto, locum habent.

Si ergo paroxysmus sit nimis vehemens & diuturnus, alvus clystere stimuletur acriore, quò excrementa in intestinis & locis vicinis latitantia evacuentur, & quæ ad caput tendunt, revellantur, & ad alvum abducantur. Talis potest esse sequens:

Rx. rad. valerian. aristoloch. rot. a. ʒʒ.

fol. artemis. ruta, summit. centaur. min. a. mj.

fl. til. mʒ. sem. carv. pæon. a. ʒij. bacc. laur. n. viij.

agaric. in pet. ligat. ʒij. Coq. in f. q. ▽ font. Col. R. ʒx.

add. ☉ rut. ʒij. elect. bened. laxat. ʒj.

essent. castor. ʒʒ. ⊖ comm. ʒʒ. M. tepidè applicetur.

Deinde etiam circa castoreum monendum, quod à quibusdam improbetur, vid. *Hæffer. Herc. Med. p. 312.* in minima quantitate, ait, admitti potest.

VOMITORIA materiam peccantem & ad superiora vergentem felici cum successu educunt, si ægra nauseabunda & ad vomitum proclivis, aliaq; illum in paroxysmo urgeant.

Si quæ verò specifica nervina propinandi est occasio, ea ex sequenti capite XII. huc mutuari licet. Venæsectio num in paroxysmo locum habeat, dubium est non leve, præter motum enim convulsivos corporis, qui administrationem impediunt, naturæ turbatio, & virium dejectio cum refrigeratione & recurso sanguinis ad cor, aliaque sunt obstaculo.

Ast in leviori insultu, si præcipuè à sanguinis suppressione ortus sit affectus, res Medici prudentiæ, eique quid agrotantis humeri valeant, quidve ferre recusent, judicandum relinquitur, nullum tamen dubium, meliorem progressum, paroxysmo remittente, sperandum esse.

CAPUT XI.

Curationem extra paroxysmum

Chirurgicam delineat.

Generosum & divinum è CHIRURGIÀ petatum remedium est

est VENÆSECTIO, quicquid etiam contra illam seu veteres quidam, seu recentiores Helmontiani opponant.

Cum enim tum alia plura mala, tum hoc ipsum nostrum ex sanguine propullulent, si vel decenter non evacuetur, vel variis modis corrumpatur, redundet, restitet, evacuationis, derivationis & revulsione gratia commodissimum est remedium sanguinis per venam sectam missio, imprimis si fœminæ temperamenti sunt calidioris, vires, ætas, & similia consentiant; in corporibus enim obstructionibus molestatis, & minus calidis, sanguis mittendus parcius & rarius. Exemplum tale vid. apud *Tulpium l. 1. obs. c. 10. pag. 22.*

Quoad emissionis QUANTITATEM, & TEMPUS, id determinat plenitudinis ipsius & permittentium ratio; Proportio enim inter morbum & remedium debet intercedere.

LOCUM *generalem* constituunt venæ brachii alterutrius, si tota massa sanguinea vitium secum contineat; venæ pedum, & manuum, saphæna, in uno, vel utroque pede, cephalica, aliæque minores *specialem* determinant, & caput seorsim juvant, quò ad remotiora revellunt magis. Sic *Zechnius consult. 92. p. 851.* ad imminentem epilepsiæ paroxysmum cohibendum efficacissimum laudat, si sanguinis paululum juxta talum utriusque cruris mittatur. Observavit *D. D. Præses* motum spasmodicum pedum dolorificum in virgine 16. annorum, ob mensium fluxum tardantem, à solâ venæsectione in altero pede ante novilunium facta in momento cessasse; cum verò simul & semel non liceret in utroque pede aperire saphænam, mense sequente, alter quoque eodem remedio ex toto conquievit. Idem in aphoniâ à convulsione hysteriæ sectionem venarum sublingualium utiliter instituit.

CUCURBITULÆ etiam scarificatæ, & hirudines pone aures, venæsectionis locum suppleant, VESICATORIA verò & CAUTERIA tum actualia, tum potentialia potenter materiam peccantem evellunt, & caput ab insultu liberant.

Quidam in capite cauteria applicanda jubent, sic *Zech. Consult. Med. l. c. p. 850.* in epilepsia ex utero pro efficacissimo prophylactico habet duplex cauterium, cum in occipite, tum infra, qua summa vertebra cum capite committitur inustum; licet enim hîc cerebrum per consensum patiatur, ex longâ tamen patiendi consuetudine ita afficitur, ut pravos succos assidue cumulet. Huic adstipulatur *River. l. i. prax. c. VII.* si conjectura sit, *inquiens*, vapores ad cerebrum exhalantes à partibus inferioribus affectum producere, vel fovere, utilissimum erit causticum syncipiti admove, vitatis futuris. *Willis de morb. convuls. ex uter. fontanel- lam suræ aut femori inustam svaðet.*

CAPUT XII.

Ex fonte pharmaceutico remedia depromit.

UT curatio extra paroxysmum feliciter peragatur, ex indicationis præservatoriæ regulis causa in utero amovenda erit, quâ sublatâ, conticescere necessum est, quod inde in microcosmo tantas dedit turbas motusque.

Mutuabimur hinc ex fonte Pharmaceutico tum universalialia, tum particularia præsidia, eaque vel evacuantia, vel alterantia.

LENIENTIBUS primus debetur locus, ex quibus se-
ligimus potissimum *aloëtica*, *MP. aloët. simpl. & cum Olo* *re-
form. D. D. Præsidis, Fear. Q. marocostin. &c.* Hæc enim le-
niter abstergendo & alvum muneris sui admonent, nec uti
pulposa, vel dulcia fermentationem humorû promovent;
& biliosum inquinamentum evacuant. Referenda huc
sunt enemata etiam, jam superius tacta, quæ admixtis car-
minativis & uterinis faciunt officium, & purgantia ipsa mi-
nori præbio, ubi lenientia evadunt, propinata.

Lenientia excipiunt **DIGERENTIA** & **PRAEPARANTIA**
humorum qualitati vitiosæ debita, ex uterinis pro indican-
tium varietate concinnata, potissimum iis, quæ simul sunt
nervina. Talia exhibent *herb. artemis. calaminth. rut. rad.
bryon.*

bryon. gentian. valerian. paon. fl. cheir. sambuc. anthos, bacc. junip. laur. castor. zedoar. myrrha, & quæ exinde parantur.

R. rad. bryon. ʒʒ. paon. cicchor. a. ʒij.
herb. beton. rosm. meliss. capill. ♀,
dipt. cret. artemis. cuscut. portul. ā, pij.
fl. 4. cordial. anth. lil. conv. a. p. j.
cort. cappar. tamar. fraxin. a. ʒj.
cass. lign. ʒiv. costi ver. ʒj.

Concis. contus. g. m. D. in chart. S. Species *ins Bier*.

Referenda huc tūm ʒiata, tūm ʒlia & ʒea, aperientia, acrimoniam moderantia, & sangvini peregrinum characterem ad uterum redundantem eximentia, aliaque ex alterantibus in genere & in specie. Respiciendum enim hic ad conjunctas ipsas circumstantias, quarum ratione variant præparantia.

Dispositis ita viis & ad exitum præparatis humoribus, propriè dicta PURGANTIA summo cum fructu adhiberi possunt, nisi quid impediat, ut v. g. febris, graviditas, debilitas. Hinc Smetius *miscell. l. 4. p. 214.* paroxysmos tales uterinos à purgatione & rarefcere & mitigari observavit. Quomodo enim melius prospici poterit humorum quantitati ac saburræ? quæ nisi remota & eliminata fuerit, optato fine potiri reliqua minus norunt. Præstant id purgantia vel solitaria, vel cum uterinis combinata, ut per *ἐνίρπασιν* operentur, præsertim in diuturniori malo.

R. extract. N^o fœtid. gr. xv. belleb. nigr. gr. iij.
resin. scammon. gr. vj. M. cum essent. ʒii F. l. a. Pili-
la. D. in pyxide S. PurgierPillen.

R. pulv. laxat. veget. cathol. ʒiat. a. gr. xv.

fec. bryon. gr. iij. ol. succin. ruta. a. gtt. ij.

M. F. pulv. In chartâ S. PurgierPulverlein.

VOMITORIA seu *ἀνω* purgantia quantum conferant epilepsiæ in genere, & nostræ quoque uterinæ, vix dici potest, præsertim si, uti ferè fit, specialis naturæ conatus eò inclinet, & cacochymia ea indicet. Hinc sæpe observavit D. Præses in praxi suâ, vix domari vel mitigari saltim posse malum, nisi emetica (par ratio est suo sensu jam laudato-
rum

rum purgantium in auxilium adsciscantur, quæ materiam in primis viis averruncant, bilemque exuperantem & hinc volatilitate ac fervore suo ferocientem depleant & ad frugem deducant. Id solum cavendum est, ne dentur agris procidentiaâ uterinâ laborantibus, quæ, maxime frigefactæ, hystericæ epilepsiæ aliisque affectibus magis sunt obnoxia, & quibus aliàs communiter ob pulmonum vitium & talismodi contraindiantia non conveniunt.

Rx. *aq. hysteric. Ulmens. matricar.* a. ʒj.

manne vomitor. ʒj. ♀. *emet.* gr. j. M. F. Haustus. S.

Magentrancklein.

Rx. *fec. bryon.* gr. vj. ♀. *emet.* gr. iij.

M. D. in chartâ S. Brechpûlverlein.

Non movemur ergo ab iis, qui vomitoriorum usum in hoc affectu improbant, quod vomitus caput, hic affectum, concutiat, quod uterum loco moveat, subito symptomata sopita excitet, quod vires debilitet; omnia quippe hæc vel momentanea solum sunt, neque æstimanda, si cum utilitate inde surgente comparentur, vel frustra timentur.

SUDORIFERA & DIAPHORETICA ad expugnandum affectum, si quæ alia, maximè faciunt, ut & cum ipsis fere specificis coincident. Ex usu sunt unice, sive putrida miasmata ex hac sentinâ corporis exhalent, sive halitus & vapores sylvestres sanguinis purpuræ nupti sint, sive alia in utero restitent, & de se spirent infensum nervis virus. Hæc, inquam, quam maximè penetrant, in herbâ, quod ajunt, enatum fermentum epilepticum suffocant, cerebrum ab impressione ejusdem liberant, febrim, si quæ adest, exuperant, & verbo, unice profunt. Memoramus hic *Tincturam Bezoardicam*, *Mixturam simplicem hystericam*, Bez. ʒle, ʒle, ʒium ʒle *cachecticum*, ʒum eboris, *cranii humani*, *cinnabarina* &c.

Rx. *Tinctura bezoard.* ʒj. *elix. uterin.* Croll. ʒʒ.

ʒus Oli cephal. ♀i rectif. vol. a. ʒj.

M. D. in vitro S. Schweißmixture.

Rx. *Bezoard.* ʒlis ʒj. *cinnab.* ʒii ʒʒ.

magist. anod. gr. iv. M. F. pulvis S. Schweißpulver.

Retulit nobis D. D. Præses, se sæpe præsentaneum effectum

sen-

senfisse in epilepsiâ hâc à diaphoreticorum hujusmodi usu.

Quod DIURETICA attinet, ea non minus excellere patet, quod amurcam sanguinis abstergant, serositatem & ichores corrigant ac depleant, utrumque seu albo foetentem fluore, seu grumescentis sanguinis ichore, seu aliis modis affectum mirificè mudent. Excellunt hic *succinata* & quæ alcalinæ, saponariæ sunt naturæ alia, item acidula ipsa refracta, sulphur biliosum acre domantia, quorum apparatus ex materiæ medicæ scriptoribus & practicis petendus.

Rx. *clyff. ℥ii* *℥at. ℥ij.* *extract. splen. bov. ℥j.* M. in vitro S.
Alterier und TreibEssentz.

Rx. *magist. oc. ℥.* *⊖ artemis. ⊖ lat. a. ℥j.* *mag. succin. ℥℥.*
ol. succin. pinastr. Austriac. ā. gt. j.

M. F. pulvis S. **Reinigendpülverlein.**

Tacemus decocta aperitiva diuretica ex *rad. fœnic. gramin. rub. tinct. s. aperit. bord. & simil.* pro re natâ variè apparanda & mutanda.

CAP. XIII.

Alterantia & specifica præscribit.

UT verò universalibus præmissis magis toti prospeximus, ita jam restant accensenda speciatim cerebro ac utero dicata, respectu habito ad utrumq; membrum. Hæc specificorum titulo exhibemus, idque eò magis, quod experientiâ practicâ constet, & in asserta medica receptum fit, eadem esse cephalica, quæ uterina, & vice versâ.

Liceat verò nobis quasi selectu quodam instituto, ex divisione *Dn. D. Præsidis nostri part. 1. de Sale volat. plantar. cap. 6.* hæc dirimere in volatilia, mediâ & fixa, ex quibus hinc facile est ad præsentem usum necessaria depromere.

Primi generis specifica facimus 1. *urinosa*, 2. *oleosa*, 3. *spirituosa*. Ex *urinosis* nominamus *☿ eboris*, *C. C. fuliginis*, *⊖ is* *❖ ci*, unde *liquor cephalicus laudatissimi Dn. D. Præsidis* probatissimæ est virtutis. Neque verò hic attinet in laudes salium volatiliū progredi, satis est hæc levi penicillo quasi tetigisse.

Oleosa inter, *ol. succin.* quod præter *Fonsecam Binninger.* cent. 3. obs. 91. p. 365. dilaudat, *heraclinum Rulandi*, *anthos*, & affinia excellunt. Pertinet huc & *camphora*, medicamentum penetrantissimum, calidiori tamen intemperiei & sicciori adversa, unde ob spiritus volatiles caput subito petentes cautius adhibenda.

Spirituosa constituit ∇ *carfunc. aur. apoplect. cum castor. sambuc. Zedoar. compositus. castorei, uterinus Mæb. & similia.*

Mediæ classis facimus *acida volatilia, castorina*, quoad essentiam, extracta, elixiria, aliaque, uti sunt \sim \oplus *li cephal. volat. compos. Dn. D. Præsidis, m. s. elixiria uterina, essent. castor. succin. myrrh. asaæt. &c.*

Tertio loco seligimus *cinnabarina, Plata, & Xialia.* *Cinnabaris* præsertim *Cratonis* deprædicatur encomio, idque non sine causâ (licet in scriptis ipsius nomine conjunctim editis illud non reperiatur) ob absorbendi & humorum acrimoniam mitigandi virtutem medicamentum nervinum sine pari. Hinc præter hæc generalia laudamus *pulv. epitept. Cratonis, marchion. pulv. absorbent. Dn. D. Præsidis, magister. & bezoard. Xial. dentem equi marini, antheram coryli &c.*

A *Riverio* laudatur \oplus *lum Jtis* cum duplâ sacchari portione in vehiculo appropriato exhibitum. Similiter laudatur ab eodem *pulv. gran. actes* cum cyatho vini sumtus. *Tincturam granorum actes*, seu sambuci cum aliquot guttis olei buxini commendat *Fonsec. Tom. 1. consil. 15. p. 120.* quod tamen perperam pro oleo *Heraclino* habet.

Referri huc facile possunt hinc inde à Practicis commendata simplicia & composita, uti *hepar lupi exsiccatum ad 3j.* specificè adhiberi testatur *Riverius*; ∇ *am naphæ cum moscho & sangu. dracon.* miranda præstare affirmat idem ex *Solenandro; Priapum cervi, Bartholin. c. VI. obs. 50.*

Aquam hirundinum cum *castor. galban. & Jto* destillatam convenientissimam esse, testis est *Jonston. l. 8. c. 2.*

Decoctum de tribus radicibus, *angelica, zedoaria, levistici* summè extollit *Thonner. l. c. p. 174.*

Communia ferè præsidia sunt *Opiata*, sicubi vel dolorum faces accensæ urgeant & spasmodicam contractionem pari-

pariant, vel continuata paroxysmorum accessio, & exhalationum subtilitas, vel denique alia fluxionum aliorumque illuvies ea urgeant permittantque; divinum hæc præstant remedium, quo & *theriacam, tripheram magnam* & hujus com-
matis plures compositiones referre possumus.

℞. *aq. hyster. Sennert. ceras. nigr. epilept. Lang. a. 3iij.*

~ *Oli cephal. ʒj. elix. epilept. Croll. 3℔.*

*essent. anod. ʒ℔. M. F. l. a. potio. D. in fict. S. Haupt-
und Mutterträncklein.*

℞. *pulv. epilept. Craton. ʒij. bezoard. ʒlis,*

*castor. ppti a. ʒj. M. D. in chartâ S. Haupt-Pulver-
lein uf 4. 5. mahl.*

℞. *pulv. epilept. March. 3℔. cinnab. nativ. ʒj.*

*dent. hippopot. philos. ppt. g. xv. fragm. s. lap. precios.
a. g. v.*

ol. rut. gtt. j. M. F. pulvis. D. in charta. S. u. f.

℞. *spec. diacinnab. Mynsicht. diaꝝ ejusdem a. 3j.*

castor. ppt. ʒj. ol. rut. gtt. ij. M. F. l. a. pulvis.

℞. *extract. castorei, asefætida a. g. v.*

theriac. Andromach. g. vi. Philon. Rom. g. IV.

M. F. l. a. pilulæ. S. Mutter-Pillen.

EXTERNÆ internis suppetias ferunt, eundem scopum in-
tendentia, præprimis facculi paregorici, emplastra & lini-
menta, spiritus imò ipsi uterini, maximè umbilico applican-
da. Paradigmata possunt esse talia:

℞. *rad. angel. aristol. zedoar. a. 3℔.*

fol. meliss. matric. rosmar. rut. a. mj.

sem. carv. rut. castor. a. 3ij.

baccar. laur. 3j. M. concis. contus. g. m. D. in chart. S.

Species zum Gäcklein.

℞. *cerot. de galban. 3℔. gum. tacamahac. 3ij.*

☉ *succin. rut. a. gtt. ij. N. m. expr. bals. Peruv. a. ʒj.*

M. F. l. a. magdaleon. S. Mutter-Pflaster.

Pedum quoq; plantæ spiritu uterino fricari possunt. Laudari adhuc me-
rentur *empl. matricale à Jonstonio l. c. descriptum*, uti etiam quæ hic desi-
derari videntur, tempore quippe excludimur, à *Sennerto, Ranchino Tr. de
morb. virginum f. 3. c. 2. Foresto* & propriis fontibus peti possunt.

CAPUT XIV.

Dietam observat.

DIETÆ ratio, quæ agmen claudit, triplex est, naturalis, vitalis & animalis. In NATURALI, Cibus secundum quantitatem & qualitatem considerandus. Convenit victus attenuans à *Galeno* tantoperè decantatus; tanta ingerendorum copia esse debet, ut vires reficiat, non verò opprimat, non ad nauseam usque, sed quæ corpori alendo sufficiat, omnis enim repletio nociva.

Cibi quidem boni succi & nutrimenti locum suum habent, attamen neque aromatibus multis, aut copioso sale debent esse conditi, omnia enim acriora & halitiosa quæ caput replent, *raphanus rusticanus, cepa, allium*, vitanda. Vinum parca sumatur manu, volatiles enim acres humores exacuit, & non nisi ad restaurandas vires.

Num vinum in paroxysmo adhibendum, inter Autores dissensus est, quidam cōcedunt, quidā prohibent; hi partes genitales calefacere, vitiosam magis hinc exagitare materiā, pluresq; vapores excitare dicunt; illi verò, summæ corporis refrigerationi, viriumque lapsui occurrere affirmant. Litem hanc componit optimè *Sennert. l. IV. part. 2. sect. 3. c. IV. qu. 3.* dicendo, tempore patoxyfmi, ubi subitus virium lapsus, ingruensque syncope, recte vinum, ut præsentaneum auxilium exhiberi; neque metus est, ut paucum vinum, quod pro reficiendis saltem viribus datur, statim ad uterum penetret, humoresque in eo vitiosos exagitet. Videndum tamen semper quid terant ægræ, quasdam enim vel minimus potus vini offendit.

Cerevisia multo sulphure lupuli vel lolii ebria, ut & feculenta vitanda.

In VITALI Aër eligatur temperatus & purus; effluviis humidis calcis vivæ & aliis carens.

In ANIMALI otium vitetur, laboribus advescat, præcipuè si materia seminalis huic malo fores aperuerit, tunc enim

*Otia si rollas, periere Cupidinis arcus,
Extinctæque jacent, & sine luce faces.*

QUIES debitis teneatur terminis. Nocet enim uterque excessus, *Morus* fortior omnis & vita sedentaria. Omnia ergò sint mediocria.

SOMNUS sit moderatus, nec statim à cœna ineatur; decubitus declivis & in dorsum vitetur, solet enim non raro & in somno ægras malam prehendere.

VIGILIAE nimia Spiritus disturbando absumunt, cerebrum debilitant, & humorum acrimoniam agitando acuunt, adeoque omni studio vitandæ.

ANIMI AFFECTUS ad sanæ rationis lancem sunt mensurandi, ira, terror, mœtor, gaudium immoderatum cane pejus & angve sunt fugienda.

ALVUS quotidie, menses statò tempore suo respondeant officio, maturè alioqui in ordinem redigendi.

VENERIS exercitium, si à feminis copiâ lateffente oriatur affectus, honestis modis commendandum. Huic enim causæ optimum & unicum propè remedium est conjugium.

F I N I S.